

**PARLIMEN: Pensyarah, Pelajar Antarabangsa Perkaya Suasana Pengajian Di IPT
Tempatan
Bernama
23 Oktober, 2012**

KUALA LUMPUR, 23 Okt (Bernama) -- Kehadiran pensyarah asing dan pelajar antarabangsa memperkayakan lagi suasana pembelajaran dan pengajaran di institusi pengajian tinggi tempatan, kata Timbalan Menteri Pengajian Tinggi Datuk Dr Hou Kok Chung.

Beliau berkata langkah itu juga adalah antara intipati pengantarabangsaan yang ditekankan oleh Kementerian Pengajian Tinggi.

"Di samping dapat meningkatkan penguasaan Bahasa Inggeris dalam kalangan pelajar, ia juga memastikan pensyarah tempatan dan pelajar berkongsi pengetahuan serta pengalaman yang mungkin tidak diperolehi pensyarah tempatan," katanya ketika menjawab soalan tambahan Datuk Juslie Ajirol (BN-Libaran) di Dewan Rakyat Selasa.

Juslie bertanya tentang rasional langkah kerajaan membenarkan kemasukan pensyarah asing dan pelajar antarabangsa di institusi pengajian tinggi tempatan.

Hou berkata kementerian juga mengambil langkah yang ketat untuk menapis pelajar yang memohon tempat menyambung pengajian di institusi pengajian tempatan menerusi pelaksanaan e-student apabila 3,049 daripada 31,359 permohonan ditolak sehingga 30 Sept tahun ini.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=704154>